

ՄԱՏԵՆԱԳՐԱԿԱՆ

ՃԱՌ Ի Ս. ՎԿԱՅՍՆ ՔՐԻՍՏՈՍԻ

ՅՈՂԱՆՆՈՒ ՄԱՆԴԱԿՈՒՆԻՈՅ

Յովհանն Մանդակունիի անունով խորագրուած այս ճառը կը գտնուի Մ. Աթոսոյս թիւ 3152 ճառերնորին մէջ (էջ 406-8), որ երբեմն կը պատկանէր Անթէպի Ս. Աստուածածին եկեղեցիին: Ընդօրինակուած է 1384ին Կաֆայի մէջ, Ղրիմ: Երբեք ճառը կը կրէ գրչին ԻԿ համարաթիւը, որուն նախորդող ԻԲ գլուխը խորագրուած է, «Հրոտից ամսոյ Լ, Վկայարանութիւն Սրբոց Վարդանանցն և այլոց նախարարացն և զաւրացն Հայոց որք ի Քրիստոս կատարեցան», անուում եղիշէ պատմիչէն (Ե. և Զ. եղանակներ): Այս պարագան հիմ կու տայ ենթադրելու թէ Մանդակունիի ճառին ակնարկած վկաները Վարդանանց նահատակներն են:

Արդ երանելի սրբոց նահատակացն Քրիստոսի՝ պատգամօք կենսատուին քաջախրեալք զաւրացան, և պատուիրանաւք պատուականին հաստատեալք՝ կատարեցան ինքնակամ կամաւք:

Մտին ի մրցանակն ընտրողութեան, և պատուական մահուամբ հասին ի կեանս բնական կենացն:

Արողական կամաւք արդարացան, և ցնծալից ուրախութեամբ մխեցան ի դասս երկնային հրեշտակացն:

Մտեալ մտաւք մտին ի զօրծ տէրունական տարազուն, և կենսարեք մահուամբ վճարեցին զհանդէս նահատակութեան:

Կամողական կամաւք հաւանցուցեալ զանձինս իջանել ի հանդիսարան ընտրողութեան՝ զէտական ունելով կենացն բնականաց:

Պար առեալ ճախրեցին ցնծալից ուրախութեամբ, քանզի տեսչութիւն միասնական երրորդութեանն մատակարարէ նոցա լինել որդիս աջակողմեանն:

Յաջողակ ընթացիւք հասեալ ժամանեցին ի կեանս էական կենացն, յորում է հանգիստ լի ցնծութեամբ և ուրախութեամբ:

Հաւատովք զէմ եղեալ յորդորէին զանձինս անցեալք ի հանդիսի նահատակութեան՝ առ ի ժառանգելոյ զբնական կեանս անմահս շնորհօք տրուին:

Առեալ հայեցան յաւրէնս արդարութեան, և աւրինարոյս քրտամբք մղեցին զաւրէնս մահարեքս մեղացն, և անդադար աղաթիւք լուծին զթոյնս խանձական մահուն:

Համբերութեամբ մղեցին զպատերազմ, և երկայնատութեամբ հասին իրին, ուշ եղեալ՝ ակն ունելով կենացն յաւիտենականաց:

Կենօք զկեանս շահեցան, և մահուամբ զարքայութիւնն ժառանգեցին:

Տանջանաւք զտանջանս մաշեցին, և մահուամբ զմահ անարգեցին:

Տանջանաւք շահեցան զկեանս, և մահուամբ զնեցին զարքայութիւնն:

Արդեամբք զարդարութիւն շահեցան, և մահուամբ զարքայութիւնն ըմբռնեցին:

Արդեամբք արդարութեան անցին ի հանգիսի նահատակութեան, և իրաւամբք արդարութեան ժառանգեցին զարքայութիւնն:

Շնչեաց ի նստա հօգի շնորհաց, քաջալերել զնստա ի պատերազմի նահատակութեան:

Քաջասիրտք զաւրացեալք յորդորեցին ի հանգիստն նահատակութեան, զի զերկնային բարութեանցն զբարութիւնսն հաւատեաւ ժառանգեցին:

Հաւատարիմ որալ և մտերիմ մտաւք ընկեցին զինքեանս ի մրցանակն ընտրողութեան, անարգելով զվայելչութիւն զառժամանակեայ և զզուգնաքեայ կենացս:

Պարեալ մատուցին արարչին իւրեանց զաշխատութիւն շարչարանացն զերկրային տանջանացս, առ ի ժառանգելոյ զերկնային բարութեանցն զերանութիւնս:

Թեթեալութիւնք և երազահաս ժամանեցին ի կայանս բնական կենացն, կարեաւք համբերել[ի]ն կարեաց, և տանջանաւք վճարեցին ի տանջանաց:

Տանջանօք շահեցան զկենդանութիւն, և մահուամբ զնեցին զարքայութիւն:

Տանջեցան վասն արդարութեան, և մեռան վասն արքայութեան:

Մահուամբ մարմնոյ զնեցին զանմահութիւն, և կենդանութեամբ հոգւոյ ժառանգեցին զանանց կեանս:

Մահուամբ մարմնոյ կտրեցին զկրճիմն մահաբեր մեղացն, և կենդանութեամբ հոգւոյ ժառանգեցին զերանութիւնս:

Մարմնով մեռան յերկրի, և հոգւով կենդանացան յերկինս:

Տանձանաւք մարմնոյ զնեցին զկենդանութիւն, և մահուամբ անձանց ժառանգեցին զբարութիւն:

Մահուամբ մարմնոյ սպանին զմեղս մարդասպանս, և կենդանութեամբ հոգւոյ իւրեանց զարդարեցին զյիշատակս:

Մահուամբ մարմնոյ ջնջեցին յանձանց զկտակն անաւրէնութեան, և կենդանութեամբ հոգւոյ իւրեանց զրեցին զանձինս իւրեանց ի զպրութիւն կենաց:

Մահուամբ մարմնոյ հատին անցին ընդ համատարած ծովն ամենամեղ կենացս, և կենդանութեամբ հոգւոյն հասին ի նաւահանգիստն խաղաղութեան:

Տեսական համբերութեամբ մեռան մեղացն, և մտերմական սիրով կենդանացան արդարութեան:

Մահագլխաց տանջանաւք թաղեցան ընդ երեակս, և լուսազարդ փառաւք թոհան ընդ աստաստս:

Պատժեցին զանձինս մահուամբ մարմնոյ, և յաւրինեալ զարդարեցին զանձինս ամենասուրբ հոգւոյն, և սպանին զմեղս մահաբերս սպանմամբ անձանց իւրեանց, և կենդանացուցին զկեանս կենսաբեր հոգւոյ իւրեանց:

Տանձանաւք մարմնոյ տանջեցին զմահ, և կենդանութեամբ հոգւոյ ժառանգեցին զարքայութիւն. քանզի սիրեցողացն Քրիստոսի՝ կեանք մարմնոյ արհամարհեալ են, և մահ ընթացրեալ:

Ոչ ոք գտանէ զկեանս՝ եթէ ոչ նախ մեռանիցի վասն կենաց:

Ոչ ոք պսակի ասէ, եթէ ոչ ըստ աւրինացն մարտիցէ:

Գիտութեամբ հոգւոյն քննե[ցի]ն զառաջակայ կենացն զկայանս, և աշխատութեամբ մարմնոյ հասին կենացն քնականաց յորում է հանգիստ լի խաղաղութեամբ:

Ստատեալ անարդեցին զանցական զցանկութիւնս պատրուկականս, վասնզի ցնծաւից յուսով էին հաստատեալք ի պատերազմի նահատակութեան. այնք աղաղակ զկարիս մարմնոյ իրրե զօշինչ համարէին:

Քանզի անձամբ անձանց զանձեցին զանմահութիւն:

Ճգնագլխաց աշխատութեամբ ճնշեցին զանձինս իւրեանց, և արիւնշարճք արամբք՝ մարտեան ընդ մեղս մահաբերս. վասն այսորիկ ինքնաբաց լինէր նոցա դուռն երկնային զաւրութեանցն:

Արդ՝ ամենամեծար զովութեամբ բուրեցին զանուշահոտութիւն ազնուականութեան սիրոյն իւրեանց, վասնզի զմիտս իւրեանց յերկինս ուղղեցին, եւ և եւ առնէին՝ վաղահասուկ լինել ի կայանս քնական կենացն:

Հաւատովք տեսին, յուսով ընթացան, սիրով հասին: Հաւատով նուիրեցան, յուսով ընթացան, սիրով պատարագեցին: Հաւատով մխեցան, յուսով տանջեցան, սիրով վճարեցան: Հաւատով հաստատեցան, յուսով փորձեցան, սիրով կատարեցան:

Տեսին և սիրեցին. ցանկացան և հասին. մեռան և պսակեցան: Արդեամբք արդարացան, իրաւամբք փառաւորեցան, և մահուամբ պսակեցան: Անարգեցան և պատուականացան, տանջեցան և մեծարեցան: Իմաստութեամբ ընթացան, գիտութեամբ հասին, համբերութեամբ ժառանգեցին:

Լցին զկապսակ մտաց իւրեանց իւզովն արդարութեան, և լուսաւորեցին զկանթեղ ոգւոց իւրեանց շնորհաւք Հոգւոյն Սրբոյ, և զարդարեցին զպսակս զխոց իւրեանց մահուամբ անձանց իւրեանց:

Աւրնութեամբն Աստուծոյ, և զաւրութեամբ Սրբոյն միածնի, և յաջողութեամբ Հոգւոյն Սրբոյ, արարին զանձինս իւրեանց որդեգիրս արդարութեան, և ժառանգորդ աջոյ կողմանն:

Փառք նոցա յերկինս, և յիշատակք նոցա ի բերանս ամենայն բարեպաշտաց, քանզի արժանի յիշատակաց ընթացան. տուեալ զկեանս առժամայն՝ առին զկեանս առյապապ ի Քրիստոս Յիսուս ի Տէր մեր, որում փառք յաւիտեանս ամէն:

Ն. ԵՊՍ. ԾՈՎԱԿԱՆ

